

1. Բարայան

ՄՈՆՂՈՒՆԵՐԻ ՎԱՐՋԱ-ՏՆՏԵՍԱԿԱՆ ՔԱՂԱՔԱԿԱՆՈՒԹՅՈՒՆԸ
ՀԱՅԱՍՏԱՆՈՒՄ

Մոնղոլական աշխարհակալ. պետության ներքին և արտաքին քաղաքականության մասին պատմագրության մեջ մինչև այսօր բավականին խոսվել է: Սակայն մեզ թվում է, որ ուսումնասիրողներից շատերի աչքից վրիպել է արևելյան բնակավայրային բնորոշ գծերը մարմնացնող ժամանակաշրջանին վերաբերող պատմական մի կարևոր փաստաթուղթ, որն իր էությունով արտահայտում է մոնղոլական պետության քաղաքականությունը:

«Ալտան-տոբչի» (Altan-tobci) կամ «Մոնղոլական խրոնիկա» աշխատության մեջ պահպանված է հետևյալը. Ձինգիդ-խանը ուղարկելով իր սուրհետյ Բահաուրին հակառակորդ Խասարին, որն իր եղբայրն էր, հետապնդելու, հետևյալ հառն է ասում.

«Դուք, զորքեր իմ, նման շեշտակի

նետվող հոտերի,

Դուք նման ազամանդի, լուսնաձև

զլխարկի զորդի,

Դուք նման քարերից կազմված

մի կույտի,

Դուք ուժեղ և արի իմ բարեկամներ,

Դուք նման իրար մոտ աճած

եղեգների,

Դուք նման շրջապարսպի,

Դուք ինչ ենթակա զորքեր,

Լ. Ե. Գ. Ե. Զ.

Սովորական կյանքում պահեցեք ձեզ

նման երկամյա հորթերի,

Գրոհներ և սպառազնությունների ժամանակ

հարձակվեցեք՝ ինչպես բազեններ,

Խնջույքների և խաղերի ժամանակ եղեք

կայտառ՝ ինչպես մատաղաշ նոսրյակներ,

Ընդհարումների ժամանակ հարձակվեցեք

թշնամիների վրա՝ ինչպես բազեններ,

Առօրյա կյանքում հաշա պահեք ձեզ՝

ինչպես անույժ հորթեր,

Ասպառազնությունների և հարձակումների

մեջ եղեք արագաշարժ՝ ինչպես հախրուկներ,

Ջվարհանքների և ուրախությունների ժամանակ

ապրեցեք համեմաշխ՝ ինչպես եռամյա

և երկամյա հորթեր,
 Թշնամիների հետ նետաձգության մեջ
 հարձակվեցե՛ք՝ ինչպես բազեններ,
 Հարձակվեցե՛ք՝ ինչպես սոված վագր,
 ինչպես գազազած բուրգուտ,
 Եղե՛ք զդոն՝ ինչպես զգույշ գայլը
 պարզ օրում,
 Համբերատար՝ ինչպես սև ագռավը
 խավար գիշերին,
 Անհողողող և խանդոտ՝ ինչպես
 Թագուհիներն՝¹

Այս ճառն ինքնին մի շատ կարևոր փաստաթուղթ է և արժանի է հատուկ ուսումնասիրության։ Առայժմ հարկ ենք համարում մեր առաջադրած նյութի առնչությամբ, նրա առթիվ մի քանի խոսք ասել։

Ինչպես տեսնում ենք, այս պատվիրանները, որոնք թերես մոնղոլ ժողովրդի սոցիալ-տնտեսական հարաբերությունների արգասիքն են և նրա անհրաժեշտ ու անխուսափելի պահանջի արտահայտումը, իրենց վրա բացահայտորեն կրում են նախաֆեոդալական-բարբարոսական-քոչվորական հասարակակարգի կնիքը, մի հասարակակարգի, որտեղ ռազմական դեմոկրատիան կազմել էր այդ հասարակակարգի հիմքը, նրա բազիսը։

Պատմությունն իսկապես ցույց տվեց, որ ռազմատենչ մի ժողովուրդ, որն արդեն կանգնած էր տոհմատիրական հասարակակարգի քայքայման և ֆեոդալական հասարակակարգի անցման ճանապարհին, կարողացավ կարճ ժամանակաշրջանում նվաճել և տիրել խոշոր տերիտորիաների և տերությունների, թեև կոխել հասարակական հարաբերությունների զարգացման հետագա էտապները և իր ժամանակին հանգիստնալ առաջիններից մեկը համաշխարհային տիրակալ ժողովուրդների շարքում։

Մոնղոլ նվաճողներն իսկապես առաջնորդվում էին Չինգիզ-խանի ավանդներով։

Հարձակվել՝ ինչպես սոված վագր, լինել զգոն՝ ինչպես գայլ, արագաշարժ՝ ինչպես ճախրուկ, վճռական ու համարձակ՝ ինչպես բազե, համերաշխ՝ ինչպես հորթեր, Հայտնի է, վերջապես, Չինգիզ-խանի փաստարկումը, թե՛

«Ամենամեծ ուրախությունն է հետապնդել իր թշնամիներին, բռնագրավել նրանց գույքը, տեսնել նրանց ընտանիքների արցունքները, ճանապարհորդել նրանց ձիերով և տիրել նրանց կանանց ու աղջիկներին»։²

Այս իդեոլոգիան և նրա հիմքը հանդիսացող նյութական կյանքի սլայմանները նպաստեցին մոնղոլական հզոր աշխարհակալության ստեղծմանը։ Սակայն հետագայում այդ հզոր պետությունը գեպի կործանում գնաց նույն արագությամբ, ինչ արագությամբ հանդես էր եկել պատմության

¹ «Алтам-тобчи» (Золотое сказание), перевод с монг. на русск. Л. Г. Гомбаева, стр. 14—15.

² Ջեմիլ-Ալ Տավադիխ, «Լև Սայդե», «История Персии», т. I, стр. 132 (на правах рукописи), Лондон, 1830 г.

Թատերաբեմի վրա: Կենտրոնական ուժերի հանդես գալը, տերիտորիալ ու գահակալական կոնֆլիկտները, դասակարգերն ու դասակարգային ներհակություններն ու պայքարը, պետության մոնոլիտ չլինելը, առևտրական հարաբերությունների զարգացումը և բազմաթիվ այլ գործոններ սկսեցին խառնել Չինգիզ-խանի աշխարհակալ պետության հիմքերը և նրան դեպի անխուսափելի կործանում տարան:

• • •

Աշխարհակալական արշավանքներից հետո, Չինգիզ-խանի հաջորդների ժամանակ, մոնղոլական հզոր պետությունը գոյություն ուներ միայն անվանապես: Փաստորեն նա բաժանվել էր երեք խոշոր ինքնուրույն պետությունների՝ 1. արևելյան կամ կենտրոնական, 2. պարսկական կամ իլխանական և 3. Ոսկե-հորդայի պետությունը: Կախումը կենտրոնական իլխանությունից՝ ձևական էր: Ճանաչվում էր մեծ խանի ավագությունը, գահերի վրա նշանակման կամ հաստատման իրավունքը և արդեն օրոնք դարձած նվերներ տալու նախկին սովորույթը:

Ռաշիդ-Ադ-Դինի մոտ կարգում ենք.

«Հին սովորության համաձայն, խնջույքը ակեց երեք օր, նորին գերազանցության էմիրները, պետության վեզիրները, վրացական, ռումի, հայկական հոգերի սուլթանները... գավառների իլխանների (մելիք), երկրների կառավարիչների (մութեսարիֆ), հարկահավաքների և նահանգների ու շրջանների քարտուղարների (քաթիբ) հեա միասին, հերթականությամբ, համաձայն իրենց աստիճանի, մատուցում էին նվերներ...»¹

Նվաճված բոլոր երկրները սկզբնական շրջանում հանդիսանում էին մոնղոլական մեծ խանի սեփականությունը (առերևույթ նրանք համարվում էին նվաճող ժողովրդի սեփականությունը): Հետագայում այդ երկրները՝ նվաճող արքայական տան ներկայացուցիչներն աստիճանաբար գառնում էին կիսանկախ և անկախ ինքնակալներ-իլխաններ (ժողովուրդների աեր-իլխոդներ):

Մրանք իրենց հերթին նվաճված գավառներում և շրջաններում հայրենի իլխոդների կողքին ունեին իրենց էմիրները և դարուղաչիները:

«Եւ ինքեանք դարձան ի տեղի իւրեանց յերկիրն Մուղանայ, բայց թողին գլխաւոր մի...»²

«Բայց ոչ կոտորեցին զնոսա, այլ առեալ աւար զինչս նոցա եւ զմարգիկն համարեալ՝ եղին հարկս ի վերայ նոցա ըսա զսովորութեան իւրեանց, մալ և թաղար և թողեալ շահնա ե գլխաւորս յերկիրն հոռմոց»:

Հաճախ պատահում էր, որ նույնիսկ տեղական իլխոդներն էին հան-

¹ В. Т. Тизенгаузен, «Сборник материалов, относящихся к истории Золотой Орды», т. II, Москва—Ленинград, 1941 г., стр. 84.

² Захочер, «История Восточного Средневековья, Москва, 1844 г., стр. 113.

³ Մադաթիա Արեղայ, «Գետաթիւն վասն պղինձե-դար», Ս. Գեորգիուրդ, 1870 թ., էջ 8.

⁴ Անդ, էջ 10.

դես դալիս այդ պաշտոններում, օրինակ՝ Անի քաղաքի կառավարիչները, Սյունիքում իշխող Օրբելյանները և այլն:

«...Յետ տիրելոյ Բաղդատայ ե շրջակայ տեղեաց՝ բաժանեաց [Հուլաուն] զգաւառսն զօրավարաց և վարչաց ըստ հաճոյս իւր...»¹

«Զկնի անցանելոյ ինչ աւերման քաղաքին Գանձակայ, այս զօր մոլեկան եւ խորամանկ, իրրե վիճակաւ բաժանեալ զամենայն աշխարհս Հայոց, Վրաց և Աղուանից՝ իւրաքանչիւր զլիաւորի, ըստ մեծութեան և փոքրկութեան զքաղաքս եւ զգաւառս, զաշխարհս և զքերդս...»²

Հիմնվելով Համդալլազ Ղազվինու տված փաստերի վրա, Պետրուշևսկին արել է հետևյալ եզրակացությունը.

«Տեղական իշխող ֆեոդալները գիտվում էին միայն որպես կենտրոնական իշխանության կուսակալներ:

Հարկ չկա կասկածելու այն բանում, որ մոնղոլների ժամանակ Ադրբեջանում, Շիրվանում ու Արանում և երկրորդական տեղական ֆեոդալական տները՝ Շիրվանշահների, Սյունիքի (ներկայիս Զանգեզուր) Օրբելյանների և ուրիշ ավելի խոշոր տների վասալները և արիեր-վասալները (մելիքները և էմիրները) բազմաթիվ էին: Նրանց սուլթանների սահմանները չէին համընկնում մոնղոլական պաշտոնական վարչական-հարկային բաժանումների հետ—զավառների (վիլայեթների, թումանների և նախիյների) չէին բաժանվում... տեղական մելիքների կողքին ի միջի այլոց կանգնած էին կենտրոնական իշխանության գործակալները՝ գինվորական իշխանությամբ օժտված...»³

Արդեն 14-րդ դարի 40-ական թվականներից, մոնղոլական պետության քայքայման շրջանում, տեղական ֆեոդալական մանր տների իշխանությունը շատ ավելի մեծ լիազորություններով էր օժտված, քան անցյալում ահ ու սարսափ տարածող կուսակալներինը: Այդ պրոցեսն ուժեղացավ հատկապես այն ժամանակ, երբ Հուլալյանների պետության մեջ ծավալվեցին ֆեոդալական ներքին պայքարը, տերիտորիալ կոնֆլիկտները և գյուղացիական ու արհեստավորական ապստամբությունները:

Մոնղոլական տիրապետության շրջանում, ինչպես տեսանք, նվաճողների—ռազմա-ֆեոդալական ազնվականության լենների (ավատների) կողքին, հին տեղական ազնվականության ձեռքին մնացած հոգերը նույնպես մեծ տարածություններ էին կազմում:

Պատմագրական բոլոր փաստերը մեզ բերում են այն եզրակացության, որ Հայաստանը, ինչպես և մյուս նվաճված երկրները, որոնք Պահլավանել էին իրենց ներքին կառուցվածքը, մոնղոլական նվաճողների համար կազմում էին առանձին հատուկ շրջաններ, վիլայեթներ և թումաններ: Այդ վիլայեթների և թումանների վարչաձևը տարբեր տեղերում տարբեր էր, որոշ շրջաններում կառավարիչներ նշանակվում էին տեղական իշխողներից, որոշ շրջաններում՝ իրենցից: Օրինակ, Հայաստանում Սյունիքը կառավարում էր Օրբելյանների իշխանական տունը, իսկ Շիրակում մոնղոլ կառավարիչ էր նշանակված:

¹ Հեթում պառլիչ, «Պատմութիւն թաթարաց», Վենետիկ, 1642 թ., էջ 46:

² Կիրակոս Գանձակեցի, «Պատմութիւն Հայոց», Թիֆլիս, 1910 թ., էջ 224:

³ Известия АН СССР, отд. общ. наук, 1937 г., № 4, стр. 877—878, «Хамдуллаз Казвини, как источник по социально-экономической истории Восточного Закавказья»:

Կառավարման վերը նշված սխտեմով մոնղոլները հետապնդում էին մի նպատակ, այն է՝ նրանք դերադասում էին նվաճված երկրներում բանակցությունների և պայմանագրերի միջոցով իրենց ենթարկել տեղական իշխող դասակարգերին, քան ռազմական արշավանքներով քայքայել և ոչնչացնել այդ երկրները։ Միևնույն ժամանակ նրանք աշխատում էին իրենց միշտ ապահովել տեղական ֆեոդալական վերնախավի գերակցությունը, որքանով այդ խավը միջոցներ և հնարավորություններ ուներ լայն մասսաների վրա ազդելու և նրանց այս կամ այն ուղղությամբ տալու, քանի որ հիմնականում այդ մասսաներն էին հանդիսանում հարկեր վճարողները։ Այս քաղաքականությունը, իհարկե, որոշ տեղերում, ինչպես նաև Հայաստանի որոշ շրջաններում, ունեցավ իր նպատակադրված հաջողությունը, բայց այստեղից անվերապահորեն չի կարելի եզրակացնել, որ վերոհիշյալ շրջանները չէին թալանվում ու ավերվում։ Հենց Հայաստանում Կարսի գրավման փաստը ցայտուն ապացույց է այն բանի, որ իրենց կամքով հպատակություն հայտնաձգավորները և քաղաքները զերծ չէին մնում ավերածություններից։ Մոնղոլների հիշյալ քաղաքականությունից ելնելով, ուսումնասիրողներից ոմանք այն կարծիքն են հայտնել, թե Հայաստանը տնտեսական ժամանակավոր անկում է ապրել, միայն նվաճումների շրջանը համարելով երկրի տնտեսական և քաղաքական կյանքի անկման շրջան։

* *

Մոնղոլական առաջին բռնականները պահպանում էին զինվորական դեմոկրատիայի մի քանի բնորոշ գծեր։ Նվաճումների, արշավանքների նպատակն էր ավարը, կողոպուտը և այլն։ Սակայն հետագայում նվաճելով մի շարք երկրներ, որտեղ ֆեոդալական հասարակարգը գտնվում էր զարգացման ավելի բարձր աստիճանի վրա, մոնղոլները ևս ընթացան նստակյաց հողագործության և ֆեոդալական հարաբերությունների հետագա զարգացման ուղիով։ Բարդացավ և նվաճողների վարչա-տնտեսական կառուցվածքը, այն վերակառուցվեց նվաճված երկրների պետական ու վարչական կառուցվածքի ազդեցությամբ տակ։

Մարքսը գրում է.

«...Այնպես որ, նկատի չունենալով պատերազմներն ու նվաճումները, Չինգիզ-խանի պետական իմաստությունը, որ ընդհանրապես չինական ծագումն ունի, մոնղոլական պետության ներքին կառուցվածքում միշտ էլ գերակշռում է չինական սկզբունքը, այսինքն այստեղ առաջ եկող կուլտուրան չինական է»¹։

Ինչպես տեսնում ենք, Չինաստանի նվաճումից հետո Չինգիզ-խանի ստեղծած Արևելյան-չինական հզոր կայսրության մեջ նրանք պետության ներքին կառուցվածքում յուրացրին կառավարման չինական սկզբունքը, Հետագայում նվաճելով Պարսկաստանը, փոքր-ասիական երկրները և Անդրկովկասը, նրանք յուրացրին կառավարման պարսկական սկզբունքը։ Հուլավյանները կառավարման համար այդ երկրներում ստեղծեցին պարսկական տիպի ուժեղ բյուրոկրատական ապարատ։

¹ Архив Маркса-Энгельса, т 5. стр. 227.

Ակադ. Բարտոլդը գրում է, թե մոնղոլները քաղաքացիական կառավարման մեջ զերազանցապես օգտվել են պարսիկների ծառայություններից:¹

«Մոնղոլական խրոնիկայում» կարդում ենք.

«Սարտառայան՝ ժողովրդի վերջնական նվաճումից հետո, Ձին-զիդ-խանը բոլոր քաղաքներում սկսեց նշանակել զինվորական կուսակալներ—դարուղաչիներ... Անգամ Ձինասաանում սարտառայան մարդկանցից նա նշանակեց խորհրդատու-ուղեկից կառավարիչներ (կառավարիչների կցորդներ), որովհետև նրանք հնարավորություն ունեին Մասխուտի միջոցով Յալովաչիից քաղաքների օրենքների և որոշումների մասին հրահանգներ ստանալու»:

Անդրկովկասյան երկրները, Պարսկաստանը և Փոքր Ասիան արդեն կրում էին բյուզանդական, արաբական և սելջուկյան պետականության կնիքը, նրանց վարչական-տնտեսական ու սոցիալական կառուցվածքի ազդեցությունը: Մոնղոլները նվաճելով այդ երկրները և յուրացնելով նրանց պետական ու սոցիալական կառուցվածքի որոշ տարրերը, հաճախ այն ամբողջությամբ ընդօրինակելով, ստեղծեցին կառավարման մի սխեմա, որ մի խայտաբղետ պատկեր ուներ, հանդիսանալով արևմտա-եվրոպական պետական ու սոցիալական կառուցվածքի և արևելյան բունակալության սինթեզը, նրանց մարմնացումը:

Նվաճված երկրներում մոնղոլների մտցրած փոփոխությունների (տվյալ դեպքում Անդրկովկասում, մասնավորապես Հայաստանում) նորությունն ըստ էության—այդ՝ տնտեսական կյանքում կատարված որոշ փոփոխություններն էին: Նրանք փոխեցին հարկահավաքման սխեման, մշտ-ցրին հողատիրության արտոնյալ նոր ինստիտուտներ և մի շարք սոցիալական-տնտեսական տերմիններ ժառանգություն թողին նվաճված ժողովուրդներին:

Հետախուզության նպատակով կատարված առաջին արշավանքի ժամանակ պակաս դեր չխաղաց նրանց կողմից տարված ազիտացիոն աշխատանքը, որն առանձին դեպքերում արդարացրեց նրանց սպասելիքը:

Մասամբ դրանով է բացատրվում Հայաստանի նվաճման ժամանակ կազմակերպված ընդհանուր դիմադրության բացակայությունը:

Նրանց քաղաքականությունն էր, ինչպես ամենուրեք, նույնպես և Հայաստանում, նվաճումների ժամանակ սիրաշահել իշխող դասակարգին և եկեղեցուն, նրանց դարձնելով իրենց քաղաքական-նվաճողական նպատակների համար միջոց և զործիք: Հավ հասկանալով Հայաստանի ունեցած դերը (ինչպես և Կիլիկիայի) իրենց հետադա նպատակների իրագործման տեսակետից և որպես պլացդարմ առաջիկա նվաճումների համար, նրանք իրենց նվաճումների ընթացքում օգտագործեցին երկրի ներսում ստեղծված ներքին իրադարձությունները:

Որոշ երկրներում, ինչպես և Հայաստանում, պահպանվում էին հպա-

¹ В. Бартольд, «Иран», Ташкент, 1926 г., стр. 31.

² Сарты—название туземных оседлых жителей городов и сел обл. Сыр-Даринской и части Ферганской и Самаркандской. Брокгауз и Ефрон, т. 56, стр. 419.

³ С. А. Козин, «Монгольская хроника», т. I, стр. 189, Москва—Ленинград, 1941 г.

տակութուն հայտնող իշխանների իրավունքները, նրանց կալվածքները, նրանց ֆեոդալական իրավունքներն այդ կալվածքների նկատմամբ: Ֆիզիկապես չէին ոչնչացնում իշխող դասակարգի ներկայացուցիչներին, առանձին դեպքերում նույնիսկ հպատակութուն հայտնած և նրանց մոտ ծառայության մտած իշխաններին նոր տերիտորիաներ էին նվիրում և պաշտոններ տալիս:

Ստեփանոս Օրբելյանն ասում է.

«...Եւ տեսեալ զնա Ասլանին՝ յոյժ սիրեաց և ընկալաւ զնա, և արար խաղաղութիւն. և կալեալ զնա առաջնորդ պնաց մինչև յԱնի և հնազանդէր զամենայնն: Իսկ նա զՎայոց ձոր, և զԵղեգիս մինչև յԵրեւոն գիւղ, որ է հանդէպ Գարնւոյ. եւ ետ զամենայնն Ելիկումին, եւ ասէ. «Թրով առածն և ոսկւով զնածն միապէս հայրենիք են մարդոյ. արդ զոր ես սրով իմով առի՝ այս զավառք քեզ լիցի ի հայրենիս եւ ազդի քո. եւ զու միամիտ սրտիւ տես զմեզ՝ եւ ծառայեա զանին մեծի որ առաքեաց զմեզ աստ...»:¹

Նման փաստեր չատ կան:

Հայաստանում մոնղոլներին հաջողվում է այս ճանապարհով իրենց կողմը գրավել իշխող դասակարգի ներկայացուցիչների մի մասին, դրանով իսկ դրանք, հայկական ռազմական ուժերը կտրելով ժողովրդական լայն մասսաներից, միացնում էին իրենց հետ և, այդպիսով, ապահովում իրենց տիրապետութունը նվաճված Հայաստանում: Նվաճված երկրների զինվորական ուժերն իրենց առաջնորդների հետ միասին, տվյալ դեպքում Հայաստանի իշխաններին, իրենց զորամասերով տանում էին իրենց հետ Կովկասի և Փոքր-ասիական երկրները՝ արշավանքներին ու նվաճումներին մասնակցելու:²

«...Տան զաշխարհն իւր [Հասան Ջալալին] ի ձեռս նորա այլևս յաւելուածով եւ հրամային նմա ամի ամի երթալ զկնի նոցա ի գործ պատերազմի եւ միամտութեամբ կեալ ի հնազանդութիւն նոցա...»:

Թեոդոսուպոլիսի ավերման առթիվ Կիրակոս Գանձակեցին գրում է.

«...Արգ, իբրեւ առ նա [Բաչուն] զիշխանութիւնն, իսկոյն զօր գումարեաց յամենայն ազգաց՝ որ ընդ ձեռամբ նորա, և զնաց յաշխարհն Հայոց, որ ընդ իշխանութեամբ սուլտանին Հոռոմոց»:³

Նկարագրելով 1242 թվի մարտերը և Երզնկայի գրավումը, Կիրակոս Գանձակեցին շարունակում է.

«...Բայց քրիստոնեայքն՝ որք էին ընդ նոսա զինուորեալք, զբազումս ազատեցին ի գերելոցն՝ որ յայտնի, եւ որ ի ծածուկ, զքահանայս և զկրօնաւորս, մանաւանդ մեծամեծ իշխանքն՝ Աւագն եւ Շահնշահն, Վահրամ եւ որդի իւր Աղպուղէն, և Քաչենցիքն, Ջալալն Հասան... ...Եւ Գրիգոր Դովին... եւ այլ իշխանքն եւ զօրք նոցին ըստ կարի իւրեանց...»:⁴

¹ Ստեփանոս Օրբելյան, «Պատմութիւն հաւանդին Սիսական», Թիֆլիս, 1911 թ., էջ 403—404.

² Մաղաֆիա Արեգա, էջ 13—14.

³ Կիրակոս Գանձակեցի, էջ 255.

⁴ Կիրակոս Գանձակեցի էջ 204, Մաղաֆիա Արեգա, էջ 13, 50.

⁵ Կիրակոս Գանձակեցի, էջ 269.

Վրացական աղբյուրներում կարվում ենք:

«Եվ շատ տեղերին մոտեցան թաթարները և Սոմեխի զորքերը»:¹

Ֆեոդալական դասակարգի վերահիշյալ խավի նկատմամբ մոնղոլների վարած հենց այդ քաղաքականության մեջ էլ իրենց փրկությունն էին տեսնում հայ իշխողները: Կիրակոս Գանձակեցու խոսքերով՝ «անձը և իրավունքը պաշտպանելու համար» նրանք մողովրդի հոծ բազմությունը թողնում էին բախտի բերմունքին — ավերածության և կողոպուտի, գերեվարության և ոչնչացման: Թերևս վերահիշյալ հանգամանքով պետք է բացատրել հայկական ֆեոդալական տների ժամանակավորապես որոշ չափով վերակենդանացման պրոցեսը: Ջաքարյանները ճյուղավորվելով, տիրում են Հայաստանի զգալի մասին, Օրբելյանները՝ Սյունիքի մի մասին, Հասան-Ջալալյանները՝ Խաչենում, Պոռչյան-Պաղթալյանները՝ Կոտայքում ու Գառնիում և այլն: Սակայն այդ աշխուժացումը կապված էր մոնղոլական բռնակալ ներկայացուցիչների կամայականությունների ու քմահաճույքների հետ:² Մտեղծված վասալային հարաբերությունները, սակայն, նվաճված մոնղոլագների իշխող դասակարգերին ոչ մի երաշխիք չէին տալիս նրանց վաղվա ապահովության համար: Պատմագրական փաստերի վերլուծումը մեզ բերում է այն համոզման, որ մոնղոլները հայ իշխող դասակարգի ներկայացուցիչներին դիտել են ոչ թե որպես նվաճված երկրի տեղական բուն իշխողներ, այլ որպես մոնղոլական պետական պաշտոնյաներ — զինվորական առաջնորդներ, վարչական ներկայացուցիչներ, որոնց բախտն ու վիճակն այնքան էլ նախանշելի չէր, եթե վերհիշենք Ավագ Ջաքարյանի, Հասան Ջալալի և ուրիշ հայ իշխանների ողբերգական վախճանը: Ներքին կյանքում հայ իշխանները որոշ չափով ինքնուրույն էին՝ պահպանելով իրենց նախկին իրավունքները: Նրանք հանդիսանում էին մոնղոլական փոխարքայի, իսկ հետագայում՝ իրանական իշխանի վասալները, հետևապես և մեծ խանի արիեր — վասալները: Կատարելով ֆեոդալական հիերարխիայի սխեմանում ընդունված բոլոր պարտավորությունները, այն է՝ հարկատվություն, պատերազմական գործ, զանազան ծառայություններ և պարտավորություններ, իրենց ղրքերում հաստատվելու համար խանին կամ իշխանին նվերներ տալը՝ և այլն: Սակայն նրանք կենտրոնական իշխանությանը արվող հարկերի հավաքման գործին չէին մասնակցում, իրենց կատարած գործի համար հաշվետու էին փոխարքային և իշխանին: Մոնղոլները նվաճված երկրներում իշխող դասակարգերի մեջ ուժեղացնում էին ներքին երկպառակություններն ու հակասությունները, ղեկավարվելով հոռմեական հայտնի քաղաքականությամբ — «divide et impera»՝ բաժանիր, որ տիրես»: Դրան որպես լավագույն ապացույց կարող է ծառայել Վրաստանում միևնույն ժամանակ երկու թագավոր նշանակելու փաստը (երկու Դավիթների պատմությունը):³ Վարելով նման քաղաքականություն, նրանք ապահովում էին իրենց թիկունքն ու տիրապետությունը:

¹ Գրգ. Մելիքեթ-Բեկ, «Վրաց աղբյուրները Հայաստանի և հայերի մասին», Կ. 11, Երևան, 1936 թ., էջ 69:

² Կիրակոս Գանձակեցի, էջ 260—261, Օրբելյան, էջ 413 և այլն:

³ Վախթանգ Խաթաբ, Պատմութիւն Ռուբինեանց, Փարիզ, 1859, էջ 228, Մաղափա արեղա, էջ 51:

⁴ Կիրակոս Գանձակեցի, էջ 300—301:

Հետագայում՝ ֆեոդալական բարձր խավը, տեսնելով իր նկատմամբ մոնղոլների վարած քաղաքականությունը և համոզվելով իր դասային իրավունքների անձեռնմխելիության մեջ, ավելի զիջող եղավ մյուս բոլոր հարցերում, հաշտվելով նվաճողների տիրապետության հետ։

Սկզբնական շրջանի թշնամական վերաբերմունքը, մինչև իսկ ապստամբության փորձերը 1249 և 1261 թվերին, որոնց զլուխ կանգնած էին հայ և վրացի ֆեոդալները, տեղ են տալիս հյուսիսահայաստանյան, և իշխող դասակարգի ներկայացուցիչների մի մասն սկսում է հավատարմությամբ ծառայել նվաճողներին։ Նվաճումների ժամանակ հայաստանյան հայտնող իշխաններին ստիպում էին անմիջապես վճարելու մի խոշոր գումար ոսկեմատուցանք, տալու իրենց ունեցվածքի մեկ տասերորդ մասը և հպատակներ։ Պրանից հետո իրենց կողմից նշանակում էին կառավարիչներ—բասկակներ և դարուզաչիներ։

«Զինգիդ-խանը նշանակեց բոլոր քաղաքներում... դարուզաչիներ...»¹

Հայ պատմագրության մեջ պահպանվել է «բասկակ» տերմինը «պաս-դաջ» ձևով։

«Վասն որոյ ժողովեցան ի Տփղիս առ Արղունն, որ էր Վազիր եւ պասդաջ (տեսուչ) կարգեալ ի մեծ զանէն ի վերայ ամենայն աշխարհիս, այսինքն հրամանատար ամենեցուն եւ իշխեցող արքունի հարկացն եւ մեծ զիւանին...»²

Հետաքրքրական է Ատեփանոս Օրբելյանի հայտնած այդ տեղեկությունը, որ Արղունը միաժամանակ և՛ բասկակ էր, և՛ վեզիր։ Այստեղ, մեզ թվում է, թե վեզիրը պետք է որ դարուզաչու ֆունկցիաներ կատարեր, այսինքն Արղունն իր մեջ մարմնացնում էր կառավարման տնտեսական և քաղաքական ֆունկցիաները—հրամանատար ամենեցուն և իշխեցող արքունի հարկաց և մեծ զիւանին։ Բասկակներն ու դարուզաչիներն իրենց խստությունը և պահանջներով ավերում էին երկիրը։ Այդ կառավարիչները նշանակվում էին հարկահավաքման գործը ղեկավարելու և նվաճված երկրներում կենտրոնական իշխանության հրամանների կատարումն ստուգելու նպատակով։ Դրանց քմահաճությունների և կամայականությունների զոհն էին զլխավորապես հայ աշխատավոր ժողովուրդը և մանր ազնվականությունը։

Պետրուշևսկին, խոսելով Վրաստանի կողմից տրվող հարկերի գումարի մեծության մասին, գրում է.

«Վրաստանի կողմից տրվող հարկերի գումարի մեծության բացատրությունը պետք է փնտրել ուրիշ ասպարեզում։ Մոնղոլական նվաճումները, ինչպես և հետագայում մոնղոլների հարկային քաղաքականությունը Վրաստանում՝ առաջ բերեցին տնտեսական անկում։ Հատկապես Նուրադին խանի ժամանակ Վրաստանում իշխանական կու-

¹ С. Козим, «Монгольская хроника», стр. 189.

² Ստեփանոս Օրբելյան, էջ 412։ Տես նաև Հակարյաթ Հ. «Ուղեգրություններ», հ. Ա. ԺԳ—ԺԶ դարեր, Երևան, 1932 թ., էջ 12, 23։ Ըստ Բերյոդինի՝ բասկակ և «դարուզա» աերմինները նույն նշանակություն ունեն—նշանակում են «նշող-քմադ», «բասկակ» բայական ձևով «բաս»—նշի, քմի, առկական ծագում ունի և համապատասխանում է մոնղոլական «դարուզա» աերմինին։ Տես Греков, Якубовский, «Золотая Орда», Ленинград, 1937 г. стр. 98.

սակալ խոջա Աղիդ դարուդի ճնշումները... բայց այդ գործոնները կիրառվում էին և Արևելյան Անդրկովկասում ու Հայաստանում, և ինչպես էլ որ լինե՞ր Վրաստանի տնտեսական անկումը, դարձյալ այն համեմատաբար տյնքան խորը չէր, ինչպես Արևելյան Անդրկովկասի անկումը...»¹

Քաղաքները նույնպես կառավարվում էին նախկին ձևով, կառավարման սխեմանում հիմնական փոփոխություն չէին մտցնում, միայն իշխանների կամ ավադների քաղաքային խորհուրդների կողքին իրենց ներկայացուցիչներն էին նշանակում, որոնք կոչվում էին «դարուդա», «չափնաս»²։

«Կառավարման սխեման ընդհանուր առմամբ մնում էր հինը։ Մոնղոլական իշխողներն ավելի շուտ, քան կարելի էր սպասել, յուրացրին տեղական կուլտուրան... Մոնղոլական ժողովրդի ներկայացուցիչները չափազանց փոքրաթիվ էին, որպեսզի կարողանային փոխել կյանքի պայմանների ընդհանուր բնույթը...»³

Ակադ. Բարտուդի բերած փաստարկումը, թե «մոնղոլ ժողովրդի ներկայացուցիչները չափազանց փոքրաթիվ էին, որպեսզի կարողանային փոխել կյանքի պայմանների ընդհանուր բնույթը», իհարկե, որոշ դեպքեր խաղացել է, բայց դրանով բացատրել կյանքի պայմանների ընդհանուր բնույթի փոփոխման կամ անփոփոխ մնալու երևույթը — կարծում ենք, ճիշտ չէ։ Այդ պրոցեսը կապված է նվաճողների հասարակական-արտադրական հարաբերությունների դարդացման աստիճանի հետ։

Մեզ հետաքրքրող ժամանակաշրջանում Հայաստանում դոյություն չունե՞ր տեղական կենտրոնական քաղաքական իշխանություն, այստեղ պահպանվում էր ֆեոդալական հիերարխիայի ավագության ինստիտուտը միայն՝ մանր և խոշոր ազնվականության վասալային փոխհարաբերությունը։ Ներքին կյանքում ֆեոդալները դարձան քաղաքականապես ինքնուրույն՝ խանական վերահսկողության սխեմայի ներքո։

Հասան Զալալը Գանձասարի վանքի պատի վրա 1240 թվի թողած արձանագրության մեջ իրեն հիշում է.

«Իս նուաստ ծառայ աստուծոյ
Զալալ Դաւայ Հասան որդի
Վախտանդայ, թոռն մեծին Հասանայ,
բնակաւոր ինքնակալ քարձր եւ մեծ
Արցախական աշխարհի թապաւոր եւ
ի յողնասահման նահանգի . . .»⁴

Ակադեմիկոս Օրբելին գրում է.

«Հասկանալի է, որ այս արձանագրության, ինչպես և առաջներում բերվածների մեջ «ինքնակալ», «ինքնակալական» խոսքերը երբեք չպիտի հասկանալ այդ խոսքերի ժամանակակից իմաստով, ներքին անսահմանափակ իշխանության իմաստով, այլ՝ արտաքին, որևէ

¹ Изв. АН СССР, отд. общ. наук. 1937 г., № 4, стр. 903.

² Մաղաթիա Արեղա, էջ 15—16.

³ Акад. Бартольд, «Персидская надпись на стене Анийской мечети Мануче», С. Петербург 1911 г., стр. 11—12.

⁴ Акад. И. А. Орбели, «Н'Асан Джалад, князь Хаченский», Петербург, 1909 г., стр. 430.

օտարերկրյա իշխանությունից անկախ լինելու իմաստով: Այդ նույն տերմինը իրենց տիրոգոսում ունէին Տաշիրի թագավորները, հետագայում՝ նաև վրացական թագավորները: Բնարկե, զինքնակալ տիրոգոսը, որ կցված է Հասանին, կարող է որոշ կասկածների ենթարկվել, երբ այդտեղ նստած էր մոնղոլական փոխարքան, որ հաճախ նրան ճնշում էր և նույնիսկ մահվան դատապարտեց: Իայց այդ փոխարքայի իշխանությունը կարող էր կրել միայն վերին հսկողության և հարկահավաքման բնույթ, և իր համեմատաբար շատ փոքր իշխանության կամ թագավորության սահմաններում Հասանը կարող էր անսահմանափակ իրավունքներով իշխան լինել¹:

* * *

Ֆեոդալական հարաբերությունները, որոնք գոյություն ունեին Հայաստանում մինչև մոնղոլները, սրանց օրով էլ մնացին որպես հասարակական կառուցվածքի հիմունքներ:

Մարքսը նշել է, թե՝

«Բոլոր նվաճումների ժամանակ երեք տեսակ ելք է հնարավոր: Նվաճող ժողովուրդը ենթարկում է նվաճված ժողովրդին արտադրության այն եղանակին, որ հատուկ է իրեն նվաճողին (օրինակ՝ անգլիացիք Իրլանդիայում այս գարում, մասամբ Հնդկաստանում), կամ՝ նվաճող ժողովուրդը թողնում է, որ հինը մնա, և բավականանում է տուրքով (օրինակ՝ թուրքերն ու հոլմալայեցիք), կամ՝ առաջ է գալիս փոխադրություն, որի միջոցով առաջանում է մի նորը, իբրև սինթեզ (մասամբ գերմանական նվաճումների ժամանակ): Բոլոր դեպքերում էլ արտադրության եղանակն է— լինի դա նվաճող ժողովրդինը, թե նվաճածինը, կամ թե երկուսի խառնուրդից առաջ եկածը,— որ որոշում է նոր, տեղակալող, բաշխումը: Թեև այդ բաշխումը հրապարակ է գալիս իբրև նոր արտադրաշրջանի նախադրյալ, բայց և այնպես նա ինքը կրկին արտադրության արդյունքն է, այն էլ ոչ թե ընդհանրապես, պատմական, այլ մի որոշ պատմական արտադրության արդյունք: Օրինակ՝ մոնղոլները վարվում էին իրենց արտադրության եղանակի համապատասխան, երբ ամայացնում էին Ռուսաստանը. անասնապահության զլխավոր սլայմանն են մեծ, ամբարդաբնակ տարածությունները»²:

Տիրելով Միջին և Առաջավոր Ասիային, մոնղոլները նրա որոշ մասերը հարմարեցրին իրենց արտադրանքային, իսկ որոշ մասերում թողեցին արտադրական նույն եղանակը և միայն բավականացան բազմաթիվ և բազմապիսի հարկեր սահմանելով: Այսպես վարվեցին և անդրկովկասյան երկրների հետ: Նրանք ստիպված եղան սահմանափակել իրենց քոչվորական կենցաղը, փոքր չափերով նստակյաց դարձան, ձգտելով սխտեմատիկաբար օգտագործել իրենց հաղթանակների պտուղները: Նրանց քաղաքականությունը ոչ միայն կասեցրեց Հայաստանի արտադրողական ուժերի ու արտադրական հարաբերությունների զարգացումը, այլև ետ տարավ նրան թերևս մի քանի հարյուրամյակ:

¹ Անդ, էջ 431:

² Կ. Մարքս, «Քաղաքատնտեսության քննադատության տեսություն», Երևան, 1933 թ., էջ 39:

Մոնղոլ նվաճողները գրաված երկրները կառավարում էին ֆեոդալական նույն հիերարխիկ սխեմով, միայն այստեղ այդ հիերարխիայի հիմքը կաղվող ռազմական ուժը ավելի ցայտուն էր հանդես գալիս:

* * *

Թվում է, թե մոնղոլական էպոխայում քաղաքների, առևտրի և արհեստների զարգացումը այլ պատկեր պետք է ունենար, քան գյուղատնտեսությունը: Սակայն փաստերը զալիս են ասելու, որ այդտեղ էլ տնտեսական կյանքն ընթացել է նույն ուղիով, ինչ որ գյուղատնտեսության ասպարեզում: Առևտրականների, հատկապես խոշոր առևտրականների նկատմամբ մոնղոլները վարում էին որոշ չափով իրենց շահերին համապատասխան քաղաքականություն: Ստեղծելով լայնածավալ պետություն, դրանով իսկ նրանք նպաստեցին արտաքին առևտրի զարգացմանը, որը, սակայն, կրում էր կարավանային առևտրի բնույթ և քիչ էր կապվում երկրի ներքին կյանքի հետ ու քիչ էր նպաստում նրա զարգացմանը:

Մարքսը, խոսելով առևտրական կապիտալի մասին, գրում է.

«Առևտրական կապիտալի ինքնուրույն զարգացումը հակադարձ համեմատական է հասարակության ընդհանուր տնտեսական զարգացմանը»¹

Առևտրական կապիտալը մինչև կապիտալիստական ֆորմացիաներում ոչ միշտ և ոչ բոլոր պայմաններում է առաջադիմական դեր խաղացել: Բրավացի է Պետրուշևսկին, երբ նշում է, թե ազրաբային կարգերի համեմատական կանգառման պայմաններում, գյուղական համայնքի պահպանման և միևնույն ժամանակ գյուղում ճորտատիրական հարաբերությունների ու մեծ թվով քոչվորների առկայության (Ադրբեջանում՝ մասնավորապես և արևելյան Անդրկովկասում՝ ընդհանրապես) պայմաններում կարավանային առևտրի զլխավոր գերը, ինչպես Մարքսն է նկատել, հանդիսանում էր ոչ այնքան քաղաքային արհեստավորության արտադրած ապրանքների արտահանումը, չորքան առևտրական և ընդհանրապես տնտեսական տեսակետից դեռևս չզարգացած հասարակությունների արտադրանքների փոխանակման մեջ միջնորդ հանդիսանալը:

«Այդ իսկ պատճառով,—գրում է Պետրուշևսկին,—մոնղոլական էպոխայում մենք տեսնում ենք գյուղացիության և արհեստավորության շահագործման սաստկացում, վաշխառության և հարկային բեռի աճում և դասակարգային հարաբերությունների սրում գյուղում և քաղաքում»²

Մոնղոլական պետությունը առևտուրը դիտում էր որպես եկամուտի ամենաօգտակար աղբյուր և նրա վրա էլ դնում էր ծանր հարկեր, որպիսի հանդամանքը իր հերթին արդելք էր հանդիսանում երկրի ներսում նրա զարգացմանն ու ծաղկմանը: Դրա հետ միասին խոշոր առևտրականներին որոշ արտոնություններ էին տրվում: Նրանց քաղաքականությունը հետամուտ էր այդ ասպարեզը շատ ավելի եկամտաբեր դարձնելուն: Իսկապես,

¹ К. Маркс, „Капитал“, т. III, стр. 291, изд. 1936 г.

² К. Маркс, „Капитал“, т. III, стр. 295, изд. 1936 г.

³ Известия АН СССР, отд. общ. наук. 1937 г. № 4, стр. 900.

փաստերը խոսում են այն մասին, որ ժամանակի խոշոր առևտրական կենտրոնները պետական դանձարան էին մուծում ավելի շատ ու բարձր հարկեր, որոնք գերազանցապես հավաքվում էին առևտրից և արհեստներից։ Արտաքին առևտրի զարգացման համար խոշոր նշանակութիւն են ունեցել առևտրական կարավանային ճանապարհները, Հայաստանում, ժողովրդական տիրապետութեան շրջանում գոյութիւն ունեցող ճանապարհներին զուգընթաց, նրա հարավային շրջաններում բացվել են նոր ճանապարհներ։ 14-րդ դարի կեսերից սկսած առևտրական ճանապարհների ուղղութիւնների մէջ խոշոր փոփոխութիւններ են կատարվում։ Եթե 13-րդ դարի վերջին և 14-րդ դարի սկզբին գլխավոր ճանապարհը սկսվում էր իլխանական մայրաքաղաք Թավրիզից ու դնում Նախիջևան — Անի — Մանազկերտ — Երզնկա — Սվազ կեսարիա — Իկոնիա — Այաս ուղղութեամբ, ապա հետագայում Երզնկայից այդ ճանապարհից սկիզբ է առնում մի ուրիշ ճյուղ դեպի Տրապիզոն — Սև ծով։ Եւսյն ժամանակաշրջանում Թավրիզից մի այլ ճանապարհ անցնում է Երիւանդ — Բագավան — Ալաշկերտ — Բասեն — Էրզրում, Էրզրումից այդ ճանապարհից մի ճյուղը դեպի Տրապիզոն էր անցնում, մյուսը՝ դեպի Երզնկա — Այաս։ 14-րդ դարի կեսերից սկսում է ուժեղանալ հարավային ճանապարհների դերը՝ Թավրիզ — Ոոյ — Ոստան — Բադեշ — Սղերթ — Հիւանքոյ — Մերդին — Իիր — Ուրֆա — Միջերկրական ծով։ Ոոյից անջատվում է մի այլ ճանապարհ՝ Բերկրի — Արճեշ — Նլաթ — Ննուս — Երզնկա — Մալաթիա — Հալեպ — Միջերկրական ծով։

Առևտրական կարավանային մեծ ճանապարհը, որն անցնում էր Հայաստանի հյուսիսային և կենտրոնական շրջաններով, այժմ տեղափոխվում է հարավային շրջանները։ Անին, Կարսը իրենց տեղը զիջում են Թավրիզին ու Սուլթանիային։ Արարատյան դաշտի ճանապարհները անբանակ են դառնում։ Կարավանային մեծ ճանապարհների փոփոխութիւնն ունենք մի շարք պատճառներ. առաջին ու գլխավոր պատճառը հուլավյանների և Ոսկե-Հորդայի պետութիւնների միջև 14-րդ դարի սկզբից սկսված տերիտորիալ պայքարն էր։

Առևտրական ճանապարհների փոփոխութիւնը, ինչպես շատ ճիշտ նկատում է ակադեմիկոս Մանանդյանը, Հայաստանի տարբեր շրջանների տնտեսական կյանքում տարբեր ձևով է արտահայտվում։¹ Հարավային շրջաններում որոշ չափով սկսում են աշխուժանալ առևտուրը և արհեստները, իսկ հյուսիսային և կենտրոնական շրջաններում քաղաքներն սկսում են քայքայվել ու անկում ապրել։ Սակայն տնտեսական կյանքի այդ անկումը բացատրել հիմնականում առևտրական ճանապարհների փոփոխումով, սխալ կլինի։ Տնտեսական կյանքի անկումը բացատրելիս անպայման ելակետ պիտի ունենալ նվաճողների վարած տնտեսական ամբողջ քաղաքականութիւնը։ Առևտուրը կապված չէր և չէր նպաստում երկրի ներքին կյանքի զարգացմանը, քաղաքները և դուրդերը քայքայվել, ամայացել էին, հողուտ նվաճողների և տեղական իշխողների դանձվում էին բաղձաթիվ ու բաղձատեսակ հարկեր ու տուրքեր, ըստ որում դորժադրվում էին հարկահանման անասելի դաժան ձևեր և թաղավորում էր կառնայականութիւնը։

¹ Ахад. Манандян, «О торговле и городах Армении», Ереван, 1930 г., стр. 201—208.

Տնտեսական կյանքի կառասարոֆիկ անկման ընդհանուր երևույթ էր մոնղոլական լայնածավալ պետության բոլոր մասերում: Այս հանգամանքն էր, որ մոնղոլական վերջին խաներին ստիպեց որոշ միջոցներ ձեռնարկել: Այդպիսի փորձ կատարեց Ղաղան-խանը 1305—1306 թվերին և Արուստայիգ-խանը՝ 1316—1335 թվերին: Սրանք տնտեսական կյանքին վերաբերող մի շարք ոեֆորմներ հրապարակեցին, որոնք, սակայն, մասնակի բերենորոգումներ էին և չէին կարող պետության քայքայման ու անկման պրոցեսը կանգնեցնել:

Մոնղոլների վարած տնտեսական քաղաքականության հետևանքը Հայաստանում այն եղավ, որ նրա գրեթե բոլոր շրջաններից մասսայական արտագաղթ սկսվեց, որը և իր խորը հետևանքները թողեց ու ծանր հարված հասցրեց երկրի տնտեսական, քաղաքական և կուլտուրական կյանքին:

Մոնղոլներն իրենց վարած հարկային և հողային քաղաքականությամբ ձգտել են նվաճված երկրներից քամել վերջին կենսական հյուսթը: Հայաստանն իր մբողջ պատմության ընթացքում մի շարք նվաճողների վարած տնտեսական քաղաքականության դռն էր դարձել, որի հետևանքով արտադրողական ուժերի զարգացման ընթացքում տեղի են ունեցել մի շարք հետադարձ շարժումներ:

Սակայն սխալ կլիներ Հայաստանի տնտեսական անկման պրոցեսը բացատրել միայն նվաճող մոնղոլների վարած քաղաքականությամբ: Պետք է նկատի ունենալ, թե նվաճող մոնղոլների վարած քաղաքականությունը ինչ անդրադարձում ունեցավ նվաճված Հայաստանի արտադրանական, արտադրական փոխաբերությունների վրա, և բացահայտել այստեղ կատարված փոփոխությունները: